



Claudii Fleurii Abbatis Historia Ecclesiastica

Ab anno Christi 1715. usque ad annum 1718

Fleury, Claude

August. Vind. [u.a.], 1782

VD18 13322648

§. 59. Literarum Pontificarum fata & sucessus.

[urn:nbn:de:hbz:466:1-67649](#)

Sæc. XVIII. VI. Reges, Principes, Magistratus
A. C. 1716. non possunt excommunicari propter
suæ Jurisdictionis exercitium.

Hos articulos Facultas die prima Decembris in publicis comitiis prælegit & cuilibet Doctori eorum transumptum tradi jussit, ut suam quisque defensentiam diceret: tandem anno sequenti die decima quinta julii eadem Facultas ex consensu centum viginti octo Magistrorum hos articulos prosum agnovit, & die secunda Augusti typis mandatos confirmavit.

§. LIX.

Literarum Apostolicarum fata & successus.

Dorfmann.
l. c.

Postquam die sexta Decembris Epistola S. Collegii ad Cardinalen Noaillum unacum literis ad Episcopos Acceptantes & ad Facultatem Parisiennam in Galliis advenerant, Quesnell fautores toti in eo erant, ut harum successum, atque expeditionem præpedirent: Horum ergo impulsu die decima sexta ejusdem Mensis præprimis Parisiense Parlamentum, & ad ejus exemplum illud Normaniæ, Burgundicum, Metense, Tolosanum, Britannicum, aliaque Parlementa, editis decretis prohibuerunt, ne Episcopi ullam

Pot

Pontificum literas vel Bullas recipe- Sæc. XVIII.
rent, nisi prius Regio *Placeto munitæ A.C. 1716.*
forent, *hic enim usus, inquietabant, cum*

ipso Gallicæ Monarchiæ exordio adolevit,
& fundatur in auctoritate Regia, cuius
exempla de sœculo in sœculum in Historia
occurrunt, & ex primitivæ Ecclesiæ regi-
mine tanquam pretiosum depositum ad nos
pervenit. Insuper Cleri Procuratores
die duodecima Decembris encyclicam
ad omnes Regni Episcopos epistolam
transmiserunt, Aurelianensis Ducis no-
nime significantes, quod sparso rumo-
re, Pontificis literas ad omnes Regni
Præfules esse mittendas, nullus sine
expressa Ducis licentia ulla Pontificis
literas recipere audeat, sed si quovis
modo ejusmodi literæ ad eos pervene-
rint, mox quivis illas ad præfatum Du-
*cem remittat, quin earum transum-
ptum fieri permittat. Huic mandato*
Aquensis, & Narbonensis Archiepiscopi,
atque Episcorum nonnulli majore,
quam par esse videbatur, sedulitate ob-
temperabant, & Pontificis epistolam,
cujus plura transumpta Cardinalis Pau-
luccius ad Episcopos transmiserat, ne-
quidem rupto Sigillo ad Ducem Aure-
lianensem remisere. Rhemensis Ar-
chiepiscopus idem quidem fecerat, ad-
didit tamen epistolam ad Cardina-
les, ceterosque Præfules Parisiis con-
grega-

Sæc. XVIII. gregatos, in qua acrius in Opponen-
A. C. 1716. tes Episcopos invectus, eos appellavit
hæreticos, simulque Papæ epistolam
integra fide descriptam typis imprimi,
eamque ad suæ Diæcesis Episcopos & Pa-
rochos transmitti curavit. Pariter Car-
dinalis Rohanius illam cunctis Praefu-
libus ad se venientibus communicabat:
Ipse met Dux Regni Regens debita ve-
neratione Pontificis literas ad se dire-
ctas recepit, sacri tamen Collegii epi-
stolam Noailio tradere, spectata re-
rum vicissitudine minus consultum cen-
sebat, pollicebatur tamen, se eidem
illam quoque consignaturum, quam pri-
mum optati successus spes affulgeret,
quæ tamen admodum exigua esse vi-
debatur, aucto indies magis opponen-
tium numero & audacia; quippe Ania-
renis, & Gifensis Parochi, necnon De-
sessartius cunctas Parisinæ Diæcesis Pa-
rochias pervagati, Parochos follicita-
bant, ut epistolam quamdam suo chi-
rographo munirent, in qua Cardina-
lem Noaillum ad recusandam Consi-
tutionis acceptationem hortabantur.
Hanc Parochorum epistolam, necnon
Rhemensis Archiepiscopi literas Uxel-
lius Marescallus die decima nona De-
cembris ad Regni Regeutem detulit,
petens, ut utraque hæc epistola suppri-
meretur: Hic vero totum hoc negotium

com.

commisit Parlamento, quod tamen, Sæc. XVIII.
quid de Rhemensi statueret, in ancipi^t A. C. 1716.
hærebat; ejus enim epistolam suppri-
mere, nimis levem esse pœnam arbi-
trabatur, in ejus vero personam sæ-
vire, eo non audito, nec obtento Du-
cis mandato haud licuit: Per latus
ergo hunc Archiepiscopum petere, de-
cretum: per opportunam ad hoc occa-
sionem præbuere, ut paulo ante memo-
ravimus, non modo Facultatis Theo-
logicæ Doctores, sed etiam tres Ec-
clesiæ Metropolitanæ Canonici & toti-
dem Parochi, qui a sui Archiepiscopi
mandato appellarunt, ac propterea per
Officialis sententiam anathemate per-
culsi sunt: Quamvis vero Ludovicus XV.
Rex hanc caussam ad suam Curiam
evocasset, nihilominus Cathedrale Ca-
pitulum & Facultas Theologica pa'lam
declararunt, se nunquam recepisse Con-
stitutionem, ejusque acceptationem
fuisse nullam: Insuper Archiepiscopi
decretu^m, quo die decima quinta
Octobris infamem libellum, cui titu-
lus: *Testimonium veritatis*, proscripsit, nec-
non sententiam excommunicationis in
duodecim Canonicos dissidii Auctores
latam recipere detrectarunt, ab ea tan-
quam ab abusu die decima quarta No-
vembri ad Parlamentum provocantes:
Illud vero Archiepiscopi epistolam &
Hist. Eccles. Tom. LXIX. Y man-

Sæc. XVIII. mandatum tanquam toti Episcoporum
A. C. 1716. Ordini, Magistratibus, Universitatibus

Facultati Parisinæ injuriosum præscripsit, ejusque sententiam esse meritorum jurisdictionis abusum declaravit. Juncto hanc Parlamenti decisionem octodecim illi Rhemenses Ecclesiastici, quavis excommunicati & su pensi essent publice tamen Divina celebrarunt Mysteria, non sine magna fidelium offensione, & Regulares ad S. Genofevam sunt Seminaristas incitabant, ut Archiepiscopi Superioris sui auctoritatem per lam vilipenderent: quocirca Archipræfus eis præfati Seminarii regimenter ademit: Pontifex vero Pietro Franciscus Lafiteau tum Romæ agenti injunxit, ut datis literis suo nomine contra Parliamentorum rationes Regenti significaret, quod I. nulla Constitutio dogmatica a primis Gallicæ Monarchiæ auspiciis usque ad Ludovici XIV. Regimen fuerit Regiis literis munita, nec Parliamenti actis inserta, sed primum Bulla Alexandri VII. qua Formularium subscribi præcipiebatur, die vigesima nona Aprilis Anno 1665. ad Parliamenti tabulas relata fuerit. II. Quod nullus Franciæ Rex usque ad Ludovicum XIV. pro publicandis & exequendis Pontificum Bullis dogmaticis declarationem aliquam ediderit, sed solus & primus

Res

Rex præfatus die quarta Julii An. 1653. Sæc. XVIII.
 ejusmodi declaratione Innocentii X. A C. 1716.
 Bullam contra quinque Jansenii pro-
 positiones promulgari & observari man-
 darit. III. Quod nullum rescriptum
 Apostolicum usque ad decimum quar-
 tum sæculum in Regno fuerit prohi-
 bitum, sed omnes literæ & rescripta
 Pontificia in Galliis usque ad differ-
 sionem inter Bonifacium VIII. & Phi-
 lippum Pulchrum exortam libere fue-
 rint executioni data, & primum præ-
 fatus Rex *Expeditiones, literas, Pro-*
cessus, & Scripturas (nunquam tamen
 Bullas dogmaticas) in Regnum invehi
 inhibuerit: Hæ rationes apud Serenif-
 sum Regni Regentem tantum va-
 luere, ut Pontificem jure commotum
 placaturus, Concilium Episcoporum,
 de quo Parisis celebrando agebatur,
 præpediret, non sine maximo summi
 Pontificis gaudio.

§. LX.

Noaillii Cardinalis severitas contra Jesuitas.

Haud ignorabat Cardinalis Noaillius, *Dorsann.*
 quod Jesuitæ tam Romæ quam in *Journal.*
 Galliis Constitutionis caussam, & Epi. pag. 238.
 scoporū Acceptantium Zelum ore & *Kettel.*
 calamo firmarent, Papam contra re-pag. 819.
 Y 2 fracta.